



# Khutba Eid-ul-Adha

HAZRAT MUHYI-UD-DIN KHALIFATULLAH

*Munir Ahmad Azim*

12 Septembre 2016  
(10 Dhul-Hijjah 1437 Après Hijra)

## Résumé Khutba)

*Après ki li fine adresse so Salaam (Assalamoualaikum Warahmatullah à tous so bane disciples (et tous bane frère, sœurs et zenfants musulmans) du monde entier et souhaite zot « Eid-ul-Adha Moubarak » – le Khalifatullah (atba) fine commencé so Khutba avec Tashahhoud, Ta'ouz, Sourah Al Fatiha, et ensuite li fine dire :*



إِنَّ أَوَّلَ بَيْتٍ وُضِعَ لِلنَّاسِ لَلَّذِي بِبَكَّةَ

○ مُبَارَكًا وَهُدًى لِّلْعَالَمِينَ

فِيهِ آيَاتٌ بَيِّنَاتٌ مَّقَامُ إِبْرَاهِيمَ وَمَنْ

دَخَلَهُ كَانَ آمِنًا وَبِاللَّهِ عَلَى النَّاسِ حِجُّ

الْبَيْتِ مَنْ اسْتَطَاعَ إِلَيْهِ سَبِيلًا وَمَنْ

كَفَرَ فَإِنَّ اللَّهَ غَنِيٌّ عَنِ الْعَالَمِينَ ○

'Inna 'Awwala Bay-tin wudi-'a linnaasi lallazii bi-Bak-kata moubaarakan-wa hudal-lil-'aalamine; Fiihi 'Aayaatoun-Bayyinaatum-Maqaamou 'Ibraheem; wa man-dakha-lahou kaana 'aamina. Wa lillaahi 'alan-naasi Hijjul-Bayti manista-taa 'a 'ilayhi sabiilaa. Wa man-kafara fa-'innallaaha Ghaniy-youn 'anil-'aalamine.

***Pas ena doute ki Premier La Caze (Place d'Adoration) ki ti construire pour bane dimounes, c'était à Makkah (la Mecque). Li béni et li servi comme guide pour toute l'humanité. Là-dans ena bane signes claires, et parmi sa bane signes là, place kot Ibrahim ti diboute. Celui ki entre là-dans, li en sécurité. Li obligatoire à tout dimoune ki ena les moyens, pou faire Hajj (pèlerinage) dans La Caze (Haraam Shareef) pou Allah. Mais celui ki rejette la foi (bizin rappeler) ki Allah pas bizin nannié ni aucaine créature. (Al-Imran 3: 97-98).***

Dans sa deux versets là, Allah pé cause de Premier La Caze ki ti fondé pour l'humanité, c'est-à-dire, celui de la Mecque « **Bakka** », ki rempli avec bénédictions « **Moubaarakan** », et ki ene guide pour tous bane peuples/ pour toute l'humanité/ pour tout l'univers « **wa Hudal-lil-'aalamine** ».

Allah dire aussi : « **Fiihi Aayaatoun bayyinaatoun** » - Là-dans ena bane Signes Claires. Par « **Aayaat** », Allah pé réfère à sa bane signes ki dirige (bane dimounes) vers Allah et ki vine de Allah. Sa bane signes là trouve dans le « **Maqaamou 'Ibraheem** » (le rang de Hazrat Ibrahim (as)).

« **Man-dakha-lahou kaana 'aamina** » - Tous bane ki rentre là-dans pou trouve la paix.

« **Wa lillaahi 'alan-naasi Hijjul-Bayti** » - Le pèlerinage dans La Caze d'Allah (Haraam Shareef) li ene devoir envers Allah, ene tel devoir ki tous bane dimounes bizin faire, du moins, surtout bane ki capave trouve les moyens pou alle là-bas et accompli li (c'est-à-dire, sa devoir là, le Hajj).

« **Wa man-kafara** » - Celui ki pou refuse pou faire sa devoir là (sans aucaine excuse valable) ou ki faire preuve d'ingratitude,

« **fa-'innallaaha Ghaniy-youn 'anil-'aalamine** » - alor, li bizin maziné ki Allah Li indépendant de tous bane créatures. Allah pas bizin nannié, ni aucaine créatures. Li suffi à Li-même.

Ici, le mot « **aalamine** » ki mo fine prend de sa deuxième verset là, li lié à « **aalamine** » ki trouve dans premier bote de sa verset kot pé dire : « **Moubaarakan wa Hudal-lil-'aalamine.** » Allah fine faire construire sa La Caze (sacré) là dans le but pou faire l'humanité bénéficié de la grâce divine.

Si nous reprend le mot « *aalamine* » kot pé dire ki Allah Li indépendant de tous bane créatures, nous capave alor demandé, bé ki l'importance en fait sa La Caze là ena ? Sa veut dire ki Allah senti Li concerné par l'humanité et oulé ki li (l'humanité, tous bane dimounes) bénéficié de So bénédiction, de sa faveur pou faire pèlerinage pou Li, le Dieu Unique. Mais bane ki refuse So soutien, alor zot tousél par zot-même à blâmer.

À propos du mot « *Maqaam* » avec ene « *Zabar* » et du mot « *Muqaam* » avec ene « *peische* », li paraite ki le deuxième mot (*Muqaam*) veut dire ene la caze temporaire, comme-ci par exemple c'est ene teste, ene voyage temporaire ki bane voyageurs, surtout bane nomades dans désert faire. Par contre, le mot « *Maqaam* » faire allusion au rang spirituel bien ki quelque fois li prend aussi ene sens physique. Quand nous analyse sa deux versets Quran Shareef là, nous alle rende nous compte ki le mot « *Muqaam* » fine mentionné dans quatre (4) versets et toujours dans ene sens physique tandis ki le mot « *Maqaam* » fine mentionné quatorze (14) fois et toujours avec ene signification spirituelle, sauf dans ene verset kot li veut dire ene habitation temporaire.

Ici, le mot « ***Muqaam-ul-Ibrahim*** » pé réfère à l'endroit situé autour de Ka'aba Shareef. Là-bas ena ene roche ki Hazrat Ibrahim (as) ti pé diboute lor là quand li ti élève bane murailles de Ka'aba Shareef. À sa l'époque là, pas ti ena aucaine éssafaudaaze mais Hazrat Ibrahim (as) ti reconstruire sa La Caze, sa *Masjid* Sacré là avec l'aide de so premier garçon, Hazrat Ismaël (as). Quand zot fine fini élève bane murailles là à ene certaine hauteur, Hazrat Ibrahim (as) ti choisir ene roche afin pou li capave diboute lor là pou gagne hauteur pou ki li capave élève encore pli haute bane murailles là. Depuis sa évènement là, li inclu dans bane rites, bane devoirs du Hajj ki le *Hajjee* (pèlerin) li faire deux *Rakaat* (cycles) de *Salaate Nawafil* (la prière additionnelle) près ou soit lor sa roche là. Quand ou choisir ou lieu de prière dans le « ***Maqaam-i-Ibrahim*** », sa pou ena ene double signification.

Premièrement, li pou ramène ou au rang physique d'Ibrahim (as) quand li ti pé faire so bane la prière. Deuxièmement, ou participe aussi dans la dimension spirituelle parski ou prié Allah pareil couma li (Hazrat Ibrahim (as) ti faire auparavant.

« ***Maqaam-i-Ibrahim*** » réfère surtout à la dimension spirituelle. Bien ki nous pas pou capave égale sa niveau ki Hazrat Ibrahim (as) fine arriver là, nous bizin toutefois essaye parvenir à sa niveau là.

Ene moyen pou capave accomplir le symbolisme de sa verset là, c'est ki nous faire deux *Rakaat* de *Namaz Nawafil* pendant le Hajj. En mettant l'emphase lor la signification de « ***Aayaatoun bayyinaatoun*** », nous arrive à saisir l'essence de l'adoration et du rang

d'Ibrahim (as). À travers la persévérance de Hazrat Ibrahim (as) pou reconstruire ene La Caze (La Caze d'Allah) – lor bane ruines – ene tel La Caze ki ti existé depuis bien bien lontan, au début même de l'existence de l'humanité, kot alor à travers bane siècles sa la Caze là fine bizin fer quelques changements là-dans et aggrandi li – alor sa la Caze là li ene La Caze ki dédiée exclusivement à l'adoration d'Allah. Nous trouve là, l'amour intense ki Hazrat Ibrahim (as) ti ena pour Allah. Et sa façon de prier là, la dimension de so l'adoration (pou Allah) zot bane signes miraculeux ki attire (bane dimounes) vers Allah, parski personne avant li fine faire preuve d'ene tel l'amour tellement sublime/ extraordinaire. Et quant à sa l'adoration d'Allah extraordinaire ki li ti pé faire là, alor tous bane moyens ki li ti employé pou arrive à sa degré de soumission dans so l'adoration là li inclure dans la signification du terme : « **Aayaatoun bayyinaatoun** » en même temps ki la prière.

En parlant d'adoration (d'Allah), nous bizin bien compran sa dans ene bien grand sens : sa l'adoration ki Hazrat Ibrahim (as) ti pé fer là bien grand: sa l'adoration là associe li à tous bane sacrifices. Nous mazine sacrifice d'Ibrahim (as) ki fine faire exile à travers commandement divine so madame, Hajra (ra) et zot garçon, Ismaël (as) dans le désert. Nous mazine aussi rêve ki li ti faire et kot li fine recevoir commandement pou sacrifier so garçon bien-aimé. Tout sa fine vine premier tradition du Hajj. Nous mazine aussi l'angoisse de Hazrat Hajra (ra) ki fine galoupe entre bane montagnes de Safa et de Marwa afin pou localise ene caravane ki pou capave donne li de l'eau pour so garçon. Sa aussi fine vine partie intégrant du Hajj, grâce à l'amour intense ki Hazrat Ibrahim (as) et so garçon Hazrat Ismaël (as) ti ena pou Allah. Naturellement, nous pas capave répète bane mêmes actes mais li possible pou ressentir sa à nouveau (c'est-à-dire, l'impatience de sa z'enfant ki ti gagne bien bien soif là). En effet, pendant ki so mama ti pé galoupe d'ene montagne à ene l'autre montagne, Ismaël (as) ti pé frotte so talons avec beaucoup douleur et agitation lor di sable, signe ki li ti gagne bien soif. C'est alor ki ene la source de l'eau fine commence sourcer enba so lipié. Sa la source là li maintenant connue comme la source de « *Zam Zam* ». Et bane pèlerins (*Hajjee*), bien ki zot pas capave zot aussi frotte zot lipié lor di sable, mais zot capave quand même boire de l'eau de « *Zam Zam* » et tourne vers Ka'aba pour récite le *Takbir* et réfléchi à l'agitation d'Ismaël (as).

Concernant le « **Aayaat** », ena bane manifestations de l'amour divin ki dépasse la compréhension de l'homme – c'est sa ki englobe dans bane mots « **Maqaam-i-Ibrahim** ». Non seulement Ibrahim (as) ti dévoué li totalement à l'adoration exclusif d'Allah, mais Allah Li-même fine fer so l'adoration briyé et distingué pour servir couma l'exemple à bane les autres. So madame, Hazrat Hajra (ra) li aussi jusqu'au Jour du Jugement Dernier li bénéficié d'ene rang spirituel bien haute et Allah fine considère so bane actions comme signe d'ene l'amour profond pou li. Ismaël (as) quant à li ti innocent

et sa pas ti so sacrifice conscient, intentionnel à sa l'époque là mais la consommation de l'eau de « *Zam Zam* » li inclure dans bane devoirs du Hajj. Allah fine à sa l'époque là fini choisir li et destine li pou vine prophète et ensuite fine choisir li, pou envoie le plus grand de bane prophètes, Hazrat Muhammad (saws) dans so descendance, tant biologique et spirituelle. So sacrifice conscient fine surgir quand so papa fine appelle et informe li afin pou prend so consentement, ki li fine trouve li dans ene rêve ki li bizin sacrifier so garçon, so bien-aimé garçon. Et c'est là ki deux signes fine manifester: Hazrat Ibrahim (as) fine vine prêt pour le sacrifice et so garçon aussi fine donne so consentement pou ki so papa exécute sa l'ordre divine là, sans ki li élève kit protestation – sa c'est en vérité ene signe miracle ki personne pas ti pou penser (ki ene zenfant pou accepter fer sa) et aucaine les autres la religion au monde aparte l'Islam pas fine révèle ene telle grand sacrifice ki papa-garçon et même la maman fine fer. Hazrat Ibrahim (as) fine dire : « **Ya Bunayya** » - Ô mo garçon bien-aimé. Le mot « **Bunayya** » li chargé d'ene sentiment d'amour profond. Donc li fine dire à so garçon: « *Ô mo garçon bien-aimé – to conné combien mo content toi, mais mo fine trouve dans ene rêve ki mo pé touye toi (mo pé sacrifier toi) en obéissance à Allah. Ki to pensé lor là ? Ki nous bizin donc faire ?* » Sans aucaine hésitation, Ismaël (as) fine réponde: « *Ô mo papa, couma eski nous pou capave retire nous loin de sa l'instruction divine là ? Ou bizin accomplir exactement saki ou fine gagne l'ordre pou faire.* »

C'est à sa niveau là ki bane signes atteigne zot sommet. Sa bane « **Aayaat** » ki fine servi couma bane « **Bayyinaat** » là, ou bane Signes Manifestes/ Claires – fine atteindre le « **Mihraj** », le sommet – quand bane qualités d'Ibrahim (as) et d'Ismaël (as) fine atteindre zot sommet. Zot fine soumettre zot totalement à la volonté d'Allah, à la loi d'Allah et c'est sa ki nous appelle l'Islam. Tout saki ou trouver dans Ka'aba zot bane z'images répété de l'Islam. C'est-à-dire, si ou oulé revoir sa bane z'images de l'Islam là, bane devoirs du Hajj ki accompli par bane pèlerins et l'adoration d'Ibrahim (as), de Hajra (ra) et d'Ismaël (as) zot bane signes ki rebran sak l'année et ki présenter à zot de nouvo, couma ene film rediffusé. C'est comme-ci Allah pé offert nous ene cinéma **spirituel** à travers Ibrahim (as). Quand bane pèlerins entoure Ka'aba et reprend l'adoration, bane rites de Hazrat Ibrahim (as), d'Ismaël (as) et de Hajra (ra), c'est comme-ci bane millions d'Ibrahim (as), d'Ismaël (as) et de Hajra (ra) zot pé soumettre zot à bane la loi d'Allah – c'est sa l'Islam. Tous bane méthodes et bane façons d'adoration de Hazrat Ibrahim (as) zot divulgué (zot vine apparent/ claire) dans le mot « **ISLAM** ».

Mo cite quelques versets pour montrer ki le rang et le style d'adoration d'Ibrahim (as) zot de l'essence même de l'Islam.

**« Iz qaala lahou Rabbouhou aslim qaala aslamtou li-Rabbil-Aalamine. »**

**Quand so Maître (Allah) fine dire li: ‘Soumette-toi’, li fine dire: ‘Mo soumette moi au Maître de l’Univers.’** (Al-Baqara 2: 132).

Allah fine dire à Ibrahim (as) ki li bizin croire dans l’Islam, c’est-à-dire, ki li bizin soumette li exclusivement à Allah. Alor Hazrat Ibrahim (as) fine réponde: « *Mo croire et donc mo soumette.* » Et quand Allah fine ordonne li de sa façon là, quand Allah fine ordonne li pou soumette, alor Ibrahim (as) fine prêt pou soumette tout-de-suite (li pas fine montrer aucaine hésitation) et li fine proclamer ki pas ena kit dissension (dézaccor) entre le commandement/ l’ordre d’Allah et so propre soumission. Li fine proclamé: « *Oui, mo soumette moi au Créateur, le Maître (Rab) de l’Univers.* » Sa ti le premier exemple de l’Islam ki mentionné dans le Quran Shareef et aucaine les autre livre pas fine mentionner même sa acceptation de l’Islam de Hazrat Ibrahim (as) là.

Plus loin, Allah dire : « ***Ibrahim ti ni ene Juif, ni ene Chrétien ; mais li ti sincère, li ti soumette à Allah seulement, et li pas ti donne aucaine associé à Allah.*** » (Al-Imran 3: 68).

**« Wa maa kaana minal moushrikine »**

**Et li pas ti parmi bane ki donne bane associé avec Allah.** (Al-Baqara 2: 136 & Al-Imran 3: 68, 96)

Sa définition de l’Islam là réfère à l’aspé de l’idolâtrie, à savoir ki l’homme faudé soumette li uniquement à Allah et à aucaine les autres fausses divinités. Dimoune bizin reste toujours « *Hanif* », c’est-à-dire, ki li bizin tourne exclusivement vers Allah sans donne même l’importance ou même l’adoration à ene l’autre ki Allah. Hazrat Ibrahim (as) li-même fine personnifié sa l’adoration exclusif à Allah là.

**« Millata-abikoum-Ibrahim »**

**La foi (ou la religion/ communauté) de ou papa Ibrahim.** (Al-Hajj 22: 79)

Sa c’est ene lé corps ki constitué de bane disciples et ki forme l’« *Oummah* » (la Communauté) de ou papa Ibrahim (as).

**« Houwa sammakoumoul-mousslimine... »**

**C’est Li (Allah) ki fine appelle ou ‘Musulmans’...** (Al-Hajj 22: 79)

**«... min qablu wa fee haaza »**

**... avant sa (Livre là) et (aussi) dans sa (Livre là - c’est-à-dire, le Quran).** (Al-Hajj 22: 79)

Ici, « *Houwa* » réfère à Allah ki fine donne zot le nom de musulmans, « *min qablu* », à l'époque d'Ibrahim (as), « *wa fee haaza* », dans le Quran Shareef. Sa message là constitué ene témoignage « *alan naasee* », pas seulement pour zot, mais pour toute l'humanité.

De ce fait, le lien de « *aalamine* » avec La Caze d'Allah, Ka'aba Shareef, fine constamment revendiqué dans le Quran Shareef, lien ki ti voilé au début de so création. Hazrat Ibrahim (as) ti physiquement et d'ene façon visible construire sa La Caze là afin pou unir l'Islam à l'humanité. Li ti le premier pou être appelé musulman, comme-ci l'Islam ti commencé avec li, à cause de sa La Caze ki li fine reconstruire là pour faire l'Islam vine ene religion internationale et pou fer sa place là vine ene place de réunification internationale de bane l'âmes ki soumette zot complètement à Allah. Mais le sujet li pas épuisé pour autant. Bien que ce soit Ibrahim (as) ki ti considéré comme le premier musulman dans période ki fine témoigne la naissance de l'Islam et bien ki li ti le premier prophète pou être mentionné dans bane livres sacrés, le titre « *Awwaloul-Mouslimine* », le premier pou soumette à Allah, pas capave être confié à li. Parski sa titre là li dédié exclusivement au Saint Prophète, Hazrat Muhammad (saws).

Ainsi, dans le Quran Shareef, Allah commande au Saint Prophète Muhammad (saws) pou dire:

**« Mo fine être commandé pour prier Allah exclusivement et pou dédier Li mo religion/ mo l'adoration. Et mo fine recevoir l'ordre pou vine le premier musulman. »**

Ena certes la déclaration incontestable ki Ibrahim (as) ti ene musulman et so premier qualité c'est ki li ti accepter l'Islam au moment kot Allah fine ordonne li pou accepter (l'Islam), pou soumette. Quant à la mention d'*Oummah*, c'est certain aussi ki la communauté musulmane fine distinguée par Ibrahim (as) comme si Hazrat Ibrahim (as) même fine établi la fondation de l'Islam. Mais à part le Saint Prophète (Muhammad (saws), personne, y compris Ibrahim (as), pas pou capave être surnommé: « *Awwa-loul-Mouslimine* » - le premier musulman. Plus loin, nous lire dans Quran Shareef:

**« Qoul 'innanii hadaanii Rabbii 'ilaa Siraatim-Mustaqeem, Diinan Qiyamam-Millata 'Ibraahiima haniifaa, wa maa kaana minal-moushrikiin. Qul 'inna Salaatii wa nousoukii wa mah-yaaya wa mamaatii lil-laahi Rabbil-'aalamine. Laa shariika lah: wa bizaa-lika 'umirtu wa 'ana 'awwa-loul-Mouslimine. »**

**Dire zot : ‘Moi, mo Maître fine guide moi vers ene chemin droite, ene religion vraie, religion (communauté) Ibrahim, ki ti sincère à Allah. Li pas ti donne aucaine associé à Allah.’ Dire zot : ‘Mo la prière, mo dévotion, mo la vie, mo la mort, tout sa pou Allah, Maître l’univers entier. Li pas ena aucaine associé. Sa, c’est l’ordre ki mo fine gagner, et mo le premier pou soumettre à Li.’ (Al-Anam 6: 162-164).**

**« Qoul ‘innanii hadaanii Rabbii ‘ilaa Siraatim-Moustaqem »** - Le Saint Prophète (saws) dire ki: Mo Créateur fine guide moi dans le droit chemin. C’est ene la foi ki fine établie li par li-même et ki pas donne aucaine obstacle – c’est ene religion parfait.

**« Millata ‘Ibraahiima haniifaa »** - C’est ene communauté ki fine suive Ibrahim (as) et so premier qualité c’était ki li pas ti idolâtre et pas fine donne aucaine associé avec Allah. Le Saint Prophète (saws) fine déclaré ensuite ki li ti libérer de tous bane types d’idolâtries, de bane associations avec Allah, et ki so l’adoration, so la prière, so sacrifice, so la vie et so la mort zot dédié uniquement à Allah.

**« lil-laahi Rabbil-‘aalamiin »** - ki dédié à Allah ki le Créateur et le Soutien de tout l’univers. **« Laa shariika lah »** - Personne pas égale à Li (Allah). Et le Saint Prophète (saws) fine être commandé pou affirmer ki li fine bel et bien recevoir l’ordre d’Allah pou être le premier pou soumettre, pou vine musulman. Et donc, parmi la descendance bénie d’Ibrahim (as) et d’Ismaël (as), c’est le Saint Prophète Muhammad (saws) ki fine vini comme porteur du sceau de la prophétie (de *Nabuwwat*).

La prière de sa deux prophètes musulmans et obéissants là fine produire ene l’écho extraordinaire dans la présence d’Allah. Allah fine dire : **« Pendant ki Ibrahim et Ismaël ti pé monte fondation La Caze là (zot ti fer sa bane duahs là) : ‘Ô nous Maître, accepter sa action là de nous. C’est Toi-même ki entende et conne tout. Ô nous Maître, faire nous soumettre à Toi, faire nous descendants ene nation ki soumettre à Toi. Montrer nous bane rites sacrés (bane rites ki nous bizin faire) et pardonne nous. Car c’est Toi ki pardonner et ena pitié (pou nous). Ô nous Maître, envoie parmi zot ene de parmi zot-même comme Messenger, ki pou récite avec zot To bane versets, ki pou enseigne zot To Livre et la sagesse, et ki pou purifier zot. Car c’est Toi ki grand et sage!’ » (Al-Baqara 2 : 128-130).**

Allah fine entende sa *duah* là et fine exauce li. Li fine envoie le meilleur de bane musulmans et prophètes d’Allah parmi la descendance de sa deux excellents serviteurs d’Allah là, Ibrahim (as) et Ismaël (as). Ene tel prophète ki pou vine le symbole même de l’Islam, de la soumission à Allah, ene tel prophète ki pou montrer l’Islam à travers so bane propres actions et so propre parole. Li pou cause l’Islam et vivre de façon purement

islamique. Li pou sacrifier tout afin ki l'adoration du Dieu Unique (Allah) rétabli dans lécaire et pratiques de l'humanité.

Certes, l'entrée à la Mecque (*Makkah*), ki autrefois ti appelle « **Bakka** » (couma Allah informe nous dans sa bane versets là), et l'accès à Ka'aba pour bane rites du Hajj bizin reste tous les temps ouvert, accessible à toute l'humanité. Li vrai ki ene sécurité de bane lieux li bien important pour protége le lieu le plus sacré au monde, mais néanmoins, le fait ki sa La Caze là li ene La Caze universelle, pour toute l'humanité, c'est ene péché lor le gouvernement de l'Arabie Saoudite pou empêche bane ki oulé alle accomplir le pèlerinage (*Hajj*) avec amour et en respect à bane prescriptions islamiques. Ka'aba Shareef c'est pas zot propriété sa. Zot nek bane gardiens des lieux et non pas bane propriétaires. Si bane Musulmans Ahmadi ou bane Iraniens (la plupart d'entre zot étant bane musulmans Shiites/ Shia) oulé alle accomplir le Hajj en toute tranquillité, sans aucaine provocation ou restriction de la part de qui que ce soit, alor, zot ena le droit pou alle accomplir le cinquième pilier de zot religion/ de zot la foi, c'est-à-dire, le Hajj. Si ena anguille sous roche, c'est-à-dire, si ena kit plans ki pé fer pou empêche bane pèlerins pou participe dans Hajj, alor la philosophie même du Hajj li bafouée. Sa La Caze là appartenir à Allah, et Li fine invite toute l'humanité, sakaine d'entre nous pou vine fer le pèlerinage et goûte à la félicité de la foi en remémorant l'adoration pure ki Ibrahim (as) ti ena pour Allah et so bane sacrifices ki li fine fer, ainsi ki sacrifices ki so deuxième épouse (Hajra) et so garçon aîné (Ismaël) fine fer.

Donc, Eid-ul-Adha, Bakr-Eid, l'Eid de Sacrifice représente ene moment exclusif d'union parski bane l'âmes zoine ensam pour récite dans ene sel la voix zot dévotion à Allah, en proclamant So l'unité et pou sacrifier bane z'animaux ki Allah fine permette pour sacrifier, afin ki le sacrifice de Hazrat Ibrahim (as), de Hazrat Ismaël (as) et de Hazrat Hajra (ra) reste pour tous les temps – jusqu'à la fin des temps – le symbole d'obéissance et de soumission à Allah pour toute l'humanité.

Sur ce, mo souhaite à zot tous ene « **Eid-ul-Adha Moubarak** ». Ki zot dévoué zot la vie en entier exclusivement à Allah, pareil couma Hazrat Ibrahim (as), Hazrat Ismaël (as), Hazrat Hajra (ra) et le plus grand de bane prophètes, le descendant biologique et spirituel de Hazrat Ibrahim et de Hazrat Ismaël (as), c'est-à-dire, Hazrat Muhammad (saws) ti faire. Ki Allah accepter nous bane sacrifices et compte nous toujours parmi So bane favoris, So bane bien-aimés. *Ameen*. Et nous bizin rappelle ki pour vine bane vrais bien-aimés d'Allah, nous bizin passe par beaucoup de bane épreuves afin pou progresser dans le statut spirituel dans lizié d'Allah, afin pou arrive dans le vrai sens, à « **Maqaam-i-Ibrahim** ». *Insha-Allah, Ameen*.